

## **„ აფხაზეთში ახალი გენერალური პროკურორი დაინიშნა ’**

დე-ფაქტო აფხაზეთის ე.წ. გენერალურ პროკურორად ზურაბ აჩბა დაინიშნა. მის კანდიდატურას ე.წ. პარლამენტის 23-მა დეპუტატმა დაუჭირა მხარი. სამმა თავი შეიკავა. შეთანხმებას ოპოზიციის მიერ წარმოდგენილი კანდიდატურის შესახებ ე.წ. ოპოზიციურმა და სახელისუფლებო ძალებმა 2016 წლის 19 დეკემბერს მიაღწიეს. მაშინ ხელი მოეწერა დოკუმენტს „საზოგადოებრივ - პოლიტიკური სტაბილურობის შესახებ“.

აგრეთვე, ე.წ. პარლამენტის გადაწყვეტილებით, ზურაბ აჩბას წინამორბედი ნური ტანია ე.წ. დეპუტატთა ხმათა უმრავლესობით არჩეულ იქნა დე-ფაქტო აფხაზეთის საკონსტიტუციო სასამართლოს მოსამართლედ.

---

18.01.2017      АПСНЫПресс<http://www.apsnypress.info/news/zurab-achba-izbran-na-dolzhnost-generalnogo-prokurora-abkhazii/>

## **„რუსეთის სახელმწიფო სათათბირომ აფხაზეთთან შეთანხმების რატიფიცირება მოახდინა“**

აღნიშნულ შეთანხმებას ხელი 2015 წლის 28 მაისს ქ.სანქტ-პეტერბურგში მოეწერა, რომლის თანახმადაც დე-ფაქტო აფხაზეთი და რუსეთის ფედერაცია ვალდებული არიან, მოთხოვნის შემთხვევაში, ერთმანეთს გადასცენ მსჯავრდებული მოქალაქეები საკუთარ სამშობლოში სასჯელის მოსახდელად. ამავე შეთანხმებით განისაზღვრება მოთხოვნების შესრულებისა და მსჯავრდებულ პირთა გადაცემის წესი.

რუსეთის ფედერაციის იუსტიციის მინისტრის მოადგილის, მაქსიმ ტრავნიკოვის განცხადებით:

„მოცემული შეთანხმება განსაკუთრებით აქტუალურია, რადგან აფხაზეთში სასჯელს იხდის რუსეთის მრავალი მოქალაქე ისევე, როგორც ბევრი აფხაზეთის მოქალაქე იმყოფება რუსეთის საპატიმროებში. კერძოდ, დღევანდელი დღის მონაცემებით რუსეთის ფედერაციის ციხეებში 186 აფხაზეთის მოქალაქე იმყოფება. აფხაზეთში კი სასჯელს 20 რუსი მოქალაქე იხდის“.

მაქსიმ ტრავნიკოვის თქმით, შეთანხმებაში ჩადებულია სასჯელის აღსრულების გარანტია. აგრეთვე, მხარეები ვალდებული არიან ერთმანეთს მიაწოდონ ინფორმაცია იმის შესახებ, თუ სად და რა პირობებში იხდიან სასჯელს გადაცემული მსჯავრდებულები და დაამატა, რომ შეთანხმება ითვალისწინებს მსჯავრდებულების შეწყალების და ამნისტირების შესაძლებლობას.

აღსანიშნავია, რომ მოცემული შეთანხმების მე-3 მუხლის თანახმად, „გადაცემაზე შესაძლებელია უარყოფითი გადაწყვეტილება იქნას მიღებული, თუ გადაცემა ზიანს აყენებს ნებისმიერი მხარის სუვერენიტეტს, საზოგადოებრივ წესრიგს ან სხვა მნიშვნელოვან ინტერესებს. აგრეთვე, შეთანხმების თანახმად, შესაძლებელია გადაცემაზე უარყოფითი გადაწყვეტილება იქნას მიღებული თუ მსჯავრდებულმა არ შეასრულა სასამართლო გადაწყვეტილებით დაკისრებული ფინანსური ვალდებულება“.

---

20.01.2017inform-      24<http://inform-24.com/11513-dogovor-s-abhaziey-o-peredache-dlya-otbyvaniya-nakazaniya-lic-osuzhdennyh-k-lisheniyu-svobody.html>

## **„აფხაზეთში საარსებო მინიმუმი 6,2% - ით გაიზარდა**

დე-ფაქტო აფხაზეთში მცხოვრები შრომისუნარიანი ადამიანის საარსებო მინიმუმმა 2017 წლის 1 იანვრის მონაცემებით – 6549,6 რუბლი (დაახლოებით 110 აშშ დოლარი) შეადგინა. საარსებო მინიმუმი მოიცავს 4479,9 რუბლის ოდენობის სასურსათო პროდუქტებს, 1283,7 ოდენობის - არა სასურსათო პროდუქტებს, 786,0 რუბლის ოდენობის - ფასიან მომსახურებას და აუცილებელ გადასახადებს.

დე- ფაქტო აფხაზეთის სტატისტიკის სამსახურის მონაცემებით, აფხაზეთში საარსებო მინიმუმის რაოდენობა გასული წლის ანალოგიურ პერიოდთან შედარებით, 6,2% - ით გაიზარდა.

---

23.01.2017 аиааира [http://www.aiaaira.com/news/economy/prozhitochnyy\\_minimum\\_vozros\\_na\\_6\\_2/](http://www.aiaaira.com/news/economy/prozhitochnyy_minimum_vozros_na_6_2/)

## **„გალის შერეული შეხვედრების მორიგი რაუნდი“**

ოკუპირებულ გალში 24 იანვარს ინციდენტების პრევენციისა და მათზე რეაგირების მექანიზმების ფარგლებში შექმნილი ჯგუფების რიგით 42-ე შეხვედრა გაიმართა.

შეხვედრაზე განიხილეს რიგი საკითხები, მათ შორის გასული წლის 19 მაისს სოფელ ხურჩაში მომხდარი გიგა ოთხოზორის მკვლელობა, რუსეთის ფედერაციის მოქალაქის ვ.ბ. პეტროსიანის გატაცება და დე-ფაქტო აფხაზეთის ე.წ. თავდაცვის სამინისტროს განყოფილების უფროსზე, ფორცხოლ-ოღლიზე თავდასხმა.

შეხვედრაზე დე-ფაქტო აფხაზეთის მხარეს ე.წ. სახელმწიფო უშიშროების საბჭოს თავმჯდომარის მოადგილე ვლადიმერ არლანი ხელმძღვანელობდა.

შეხვედრაზე მიღებულ იქნა გადაწყვეტილება, რომ მორიგი 43-ე შეხვედრა 2017 წლის 22 თებერვალს გაიმართება ქ. გალში.

---

24.01.2017 МИД РА <http://mfaapsny.org/news/index.php?ID=4816>

## **„აფხაზეთის დელეგაციის ვიზიტი იორდანისის ჰაშიმიტურ სამეფოში“**

იორდანისის ჰაშიმიტური სამეფოს პრინცმა, ალი ბინ ალი ჰუსეინმა, რომელიც წარმოშობით ნახევრად ჩერქეზია, მიიღო დე-ფაქტო აფხაზეთის დელეგაცია, რომელსაც ხელმძღვანელობდა „აფხაზეთის საერთაშორისო ფონდის“ პრეზიდენტი სონერ გაგუა.

შეხვედრაზე აღინიშნა, რომ პრინცი დაინტერესებულია მშობლიური კულტურით და ისტორიით.

დე-ფაქტო აფხაზეთის დელეგაციამ პრინცს გააცნო ოკუპირებული აფხაზეთის შესახებ ინფორმაცია. შეხვედრაზე შეეხნენ ისეთ საკითხებს, როგორცაა დე-ფაქტო რესპუბლიკის შესაძლებლობები, პოლიტიკური პრიორიტეტები აფხაზეთის დიასპორის ისტორიულ სამშობლოში დაბრუნების საქმეში. აგრეთვე, დე-ფაქტო აფხაზეთის ეკონომიკაში უცხოური ინვესტიციების მოზიდვა.

შეხვედრაზე მხარეები შეთანხმდნენ, რომ დე-ფაქტო აფხაზეთი და იორდანია მომავალშიც გააგრძელებენ ურთიერთთანამშრომლობას კულტურის, სპორტის, განათლებისა და ჯანდაცვის სფეროში.

---

24.01.2017 аиааира [http://www.aiaaira.com/news/politics/delegatsiya\\_iz\\_abkhazii\\_vstretilas\\_s\\_printsem\\_ali/](http://www.aiaaira.com/news/politics/delegatsiya_iz_abkhazii_vstretilas_s_printsem_ali/)

25.01.2017